

AUGLÝSING

84

9. des.

um nýjan greiðslusamning milli Íslands og Austurríkis.

Hinn 23. maí 1955 var undirrituð í Vínarborg bókun um nýjan greiðslusamning milli Íslands og Austurríkis, er komi í stað greiðslusamningsins frá 6. júní 1952 (Stj.tíð., A. 77/1952).

Gildistími samningsins er óákveðinn, en fellur úr gildi, ef greiðslubandalag Evrópu hættir starfsemi sinni. Uppsagnarfrestur er 3 mánuðir.

Þetta er hér með gert almenningi kunnugt.

Utarríkisráðuneytið, 9. desember 1955.

Kristinn Guðmundsson.

Magnús V. Magnússon.

AUGLÝSING

85

9. des.

um viðskiptasamkomulag milli Íslands og Ítalíu.

Hinn 24. október 1955 var undirritaður í Rómaborg viðskiptasamningur milli Íslands og Ítalíu og gildir hann fyrir tímabilið 1. nóvember 1955 til 1. október 1956.

Samkvæmt samningnum er gert ráð fyrir því, að vörukaup Íslendinga í Ítalíu verði verulega aukin á samningstímabilinu.

Samningnum fylgja tveir listar yfir ítalskar vörur, sem fluttar skulu til Íslands á samningstímabilinu, sá fyrri sem háður er innflutningshömlum á Íslandi og sá síðari yfir vörur, sem frjálst er að flytja inn á Ítalíu.

Allur innflutningur á íslenskum afurðum til Ítalíu er algerlega frjáls.

Þetta er hér með gert almenningi kunnugt.

Utarríkisráðuneytið, 9. desember 1955.

Kristinn Guðmundsson.

Magnús V. Magnússon.

AUGLÝSING

86

9. des.

um viðskiptasamkomulag milli Íslands og Sovétríkjanna.

Hinn 23. september 1955 var undirritað í Moskva samkomulag um viðskipti milli Íslands og Sovétríkjanna.

Samkomulag þetta gildir frá 1. janúar 1956 til 31. desember 1956 og er gert í samræmi við ákvæði viðskipta- og greiðslusamningsins milli Íslands og Sovétríkjanna frá 1. ágúst 1953 (Stj.tíð., A. 51/1953).

Samkvæmt samkomulaginu er gert ráð fyrir, að frá Íslandi verði flutt út á tímabilinu 20 þúsund tonn af frystum fiskflökum, 15 þúsund tonn af saltsíld og aðrar vörur fyrir 2 milljónir króna.

- 86** Helztu útlutningsvörur frá Sovétríkjunum verða brennsluoliur, benzín, korn-
9. des. vörur, sement, steypustyrktarjárn, járnþípur, aðrar vörur úr járni, timbur, koks og kol.

Þetta er hér með gert almenningi kunnugt.

Utánríkisráðuneytið, 9. desember 1955.

Kristinn Guðmundsson.

Magnús V. Magnússon.

- 87**
9. des.

AUGLÝSING

um samkomulag um viðskipti milli Íslands og Tékkóslóvakíu.

Hinn 24. september 1955 var undirritað í Prag samkomulag um viðskipti milli Íslands og Tékkóslóvakíu á tímabilinu 1. september 1955 og 31. ágúst 1956.

Samkomulag þetta er gert í samræmi við ákvæði viðskipta- og greiðslusamningsins við Tékkóslóvakíu frá 31. ágúst 1954 (Stj.tíð., A. 86/1954).

Gert er ráð fyrir, að Íslendingar selji til Tékkóslóvakíu á tímabilinu 8 þúsund tonn af frystum fiski, 1 þúsund tonn af sild auk landbúnaðarafurða og niðursoðinna fiskafurða.

Til Íslands er gert ráð fyrir innflutningi m. a. í járn- og stálvörum, vefnaðarvörum, skófatnaði, bifreiðum, vélum, gleri og glervörum, sykri, sementi o. fl.

Þetta er hér með gert almenningi kunnugt.

Utánríkisráðuneytið, 9. desember 1955.

Kristinn Guðmundsson.

Magnús V. Magnússon.

- 88**
9. des.

AUGLÝSING

um viðskiptasamning milli Íslands og Kúbu.

Hinn 3. október 1955 var undirritaður í Washington viðskiptasamningur milli Íslands og Kúbu.

Samkvæmt samningnum skuldbinda bæði löndin sig til að veita hvort öðru beztu kjör að því er snertir tolla og önnur aðflutningsgjöld af vöruinnflutningi frá hinu landinu.

Í samningnum er enn fremur gert ráð fyrir því, að Íslendingar kaupi stráskykur og nokkrar aðrar vörutegundir frá Kúba, en selja þangað saltfisk, lýsi o. fl. íslenzkar afurðir.

Samningurinn gildir til 3. október 1958, nema honum verði sagt upp, en uppsagnarfrestur er þrjú mánuðir.

Þetta er hér með gert almenningi kunnugt.

Utánríkisráðuneytið, 9. desember 1955.

Kristinn Guðmundsson.

Magnús V. Magnússon.